



Broj: 17-14-34925-12  
Sarajevo; 26-01-2018 godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), a u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst) i preporuke Komisije za ustupanje usluga u postupku javne nabavke za "Ustupanje usluga pranja vozila i vulkanizerskih usluga za vozila Kantona Sarajevo u 2018. godini" **LOT 1 – Usluge održavanja vozila (vulkanizerske usluge)** (Zapisnik o pregledu i ocjeni ponuda broj: 17-14-34925-11 od 17.01.2018. godine, načelnik Stručne službe za zajedničke poslove Kantona Sarajevo, d o n o s i:

**ODLUKU**  
**o izboru najpovoljnijeg ponuđača**

**Član 1.**

Prihvata se Preporuka Komisije za ustupanje usluga u postupku javne nabavke za "Ustupanje usluga pranja vozila i vulkanizerskih usluga za vozila Kantona Sarajevo u 2018. godini" - **LOT 1 – Usluge održavanja vozila (vulkanizerske usluge)** i dodjeljuje se ponuđaču „**AUTODELTA**“ d.o.o. **Sarajevo**, prema dostavljenoj ponudi broj: 01/AM/2018 od 05.01.2018. godine u ukupnoj vrijednosti od **19.166,94 KM** (sa PDV-om) i način plaćanja 31 dan.

**Član 2.**

Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač je dužan dostaviti dokaze o kvalificiranosti po članu 45. ZJN (originalne ili ovjerene kopije) i dužan je dostaviti originalne dokaze po članu 47. ZJN, jer je u svojoj ponudi dostavio obične kopije, u roku od 5 (pet) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi originalne dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

**Član 3.**

Ova odluka objavit će se na web stranici ugovornog organa, [www:http: sszp.ks.gov.ba](http://www:sszp.ks.gov.ba), istovremeno sa upućivanjem iste ponuđačima koji su učestvovali u postupku javne nabavke.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 17-14-34925 od 30.11.2017. godine – "Ustupanje usluga pranja vozila i vulkanizerskih usluga za vozila



Kantona Sarajevo u 2018. godini". Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke za LOT 1 – Usluge održavanja vozila (vulkanizerske usluge) bez PDV-a iznosi 24.000,00 KM. Za predmetnu nabavku objavljeno je dodatno obavještenje o nabavci na portalu javnih nabavki pod brojem 1230-7-2-112-3-83/17 od 26.12.2017. godine u 10:33 h.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka konkurentskog zahtjeva sa dodatnom objavom obavještenja na portalu javnih nabavki, Komisija je dostavila pozive sljedećim ponuđačima : 1. SOR AUTOPRAONICA "BLIST" Sarajevo; 2. "GUMA M" d.o.o. Mostar; 3. "AUTODELTA" d.o.o. Sarajevo; 4. "UNIS AUTOMOBILI I DIJELOVI" d.o.o. Sarajevo. Rok za dostavu ponuda bio je 05.01.2018. godine do 11,00 h. Za navedenu javnu nabavku u predviđenom roku i uredno zatvorenoj koverti, dostavljena je ponuda za **LOT 1 – Usluge održavanja vozila (vulkanizerske usluge)** od ponuđača:

**1. "AUTODELTA" d.o.o. Sarajevo, ul. Bolnička do broja 11 71 000 Sarajevo**

U skladu sa Odlukom o pokretanju postupka, Komisija za ustupanje usluga formirana Odlukom broj: 17-01-05-31300 od 20.10.2017. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu za dostavu ponuda. Zapisnik o pregledu i ocjeni ponuda broj: 17-14-34925-11 od 17.01.2018. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda jedan (1),
- da je blagovremeno zaprimljeno ukupno jedna (1) ponuda,
- da nema neblagovremeno zaprimljenih ponuda,
- da ponuda ponuđača "AUTODELTA" d.o.o. Sarajevo, ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke "Ustupanje usluga pranja vozila i vulkanizerskih usluga za vozila Kantona Sarajevo u 2018. godini" LOT 1 - Usluge održavanja vozila (vulkanizerske usluge) kako slijedi:

1. "AUTODELTA" d.o.o. Sarajevo	100,00 bodova
--------------------------------	---------------

U skladu sa kriterijem "ekonomski najpovoljnija ponuda" sa potkriterijima: cijena 90%, i način plaćanja 10%, **ugovor se dodjeljuje ponuđaču "AUTODELTA" d.o.o. Sarajevo** u ukupnoj vrijednosti nabavke od **16.382,00 KM (bez PDV-a)**, a cijena sa PDV-om iznosi **19.166,94 KM** i način plaćanja 31 dan. Za predmetnu nabavku će se zaključiti okvirni sporazum.

**Pouka o pravnom lijeku:** Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba

Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponudač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Pripremila: Samira Duraković, dipl.iur.  
Kontrolisao: Sedin Kozadra, dipl.ecc.

**Prilog:**

1. - Zapisnik o pregledu i ocjeni ponuda broj: 17-14-34925-11 od 17.01.2018.godine

**Dostaviti:**

1. Ponudaču "AUTODELTA" d.o.o. Sarajevo  
ul. Bolnička do broja 11 71 000 Sarajevo,
2. A r h i v i.